



SLUŽBENE NOVINE

KANTONA SARAJEVO

Godina XXVIII - Broj 34

Četvrtak, 10. 8. 2023. godine
SARAJEVO

ISSN 1512-7052

KANTON SARAJEVO

Vlada Kantona Sarajevo

Na osnovu člana 26. i 28. stav (1) Zakona o Vladi Kantona Sarajevo ("Službene novine Kantona Sarajevo", broj 36/14 - Novi prečišćeni tekst i 37/14 - Ispravka) i člana 84. stav (6) i (7) i 102. stav (1) tačka a) Zakona o uređenju saobraćaja na području Kantona Sarajevo ("Službene novine Kantona Sarajevo", broj 30/17, 46/17 i 1/22), Vlada Kantona Sarajevo, na 19. sjednici održanoj 27.07.2023. godine, donijela je

UREDBU

O ORGANIZACIJI PARKIRANJA, JAVNIM PARKING POVRŠINAMA, PARKING ZONAMA, IZGRADNJI NOVIH PARKINGA I ORGANIZACIJI JEDINSTVENOG SISTEMA NAPLATE PARKIRANJA

POGLAVLJE I - OSNOVNE ODREDBE

Član 1. (Predmet)

Ovom uredbom uređuju se:

- a) javne površine namijenjene isključivo za parkiranje motornih vozila, u nadležnosti Ministarstva saobraćaja Kantona Sarajevo (u daljem tekstu: Ministarstvo),
- b) javne posebne površine namijenjene isključivo za parkiranje motornih vozila unutar naselja na svim općinama na području Kantona Sarajevo (u daljem tekstu: općina),
- c) parking zone,
- d) vrste parking karata i način njihovog korištenja,
- e) uslovi za sticanje i korištenje povlaštene parking karte,
- f) organizacija jedinstvenog sistema naplate parkiranja,
- g) uplata i raspodjela prihoda od javnih parkinga,
- h) modaliteti finansiranja izgradnje novih parkinga i garaža,
- i) kontrola parkiranja na javnim parkinzima,
- j) nadzor.

Član 2. (Značenje pojmova)

Izrazi koji se koriste u ovoj uredbi imaju sljedeće značenje:

- a) davalac komunalne usluge - pravne osobe koje organizuju rad, obavljaju naplatu i kontrolu nad parkiranjem vozila u skladu sa ovom uredbom,
- b) javna garaža - građevinski objekat namijenjen parkiranju vozila koji može biti izveden kao nadzemni ili podzemni ili kao nadzemno-podzemni objekat,
- c) javni parking s naplatom (u daljem tekstu: parking sa naplatom), a koji je u nadležnosti Ministarstva - uređena i propisno označena ulična ili izdvojena površina na kojoj je uvedena naplata parkiranja i koja je označena odgovarajućom saobraćajnom signalizacijom, te informacijom o parking zoni, cijenama parkiranja ovisno o vremenu parkiranja kao i načinu plaćanja parkiranja,
- d) parking površina u nadležnosti općine - uređena i propisno označena izdvojena površina namijenjena isključivo za parkiranje motornih vozila unutar naselja,
- e) javni parking u privatnom vlasništvu - uređena i propisno označena izdvojena površina na parceli ili u objektu u vlasništvu pravne ili fizičke osobe i koja je označena odgovarajućom saobraćajnom signalizacijom i opremom,
- f) parking površina za autobuse - posebno uređena površina namijenjena za parkiranje autobusa,
- g) kontrolor parkiranja davaoca komunalne usluge - kvalifikovani zaposlenik pravne osobe sa javnim ovlaštenjem (u daljem tekstu: kontrolor),
- h) korisnik javnog parkinga (u daljnjem tekstu: korisnik) - vozač koji parkira vozilo na parking mjesto, odnosno druga osoba za koju je ovom uredbom određeno da se smatra korisnikom,
- i) parking mjesto - dio javne parking površine namijenjeno parkiranju jednog motornog vozila i označeno odgovarajućom saobraćajnom signalizacijom,
- j) parking zona - parking područje na kojoj se vrši naplata parkiranja,
- k) rezervisano parking mjesto - parking mjesto koje odobrava Ministarstvo, namijenjeno određenom

- korisniku i označeno odgovarajućom saobraćajnom signalizacijom,
- l) vozilo na parking mjestu - motorno vozilo koje je parkirano na obilježenom parking mjestu, a koje odgovara dimenzijama parking mjesta,
 - m) privremeni javni parkinzi su parkinzi koji se otvaraju zbog održavanja raznih skupova i manifestacija sportskog, kulturnog, političkog i dr. karaktera okupljanja,
 - n) nalog za postavljanje naprave za blokiranje točkova - novčani iznos koji se plaća zbog neispunjenja obaveza korisnika parkinga za korištenje javnog parkinga,
 - o) povlaštena parking karta - parking karta po povoljnijim cijenama koja se može prodavati fizičkim osobama koje imaju prebivalište, boravište ili dokaz o vlasništvu stana, fizičkim osobama koje obavljaju samostalnu privrednu djelatnost i koje imaju sjedište ili koriste poslovni prostor i pravnim osobama koje imaju sjedište ili koriste poslovni prostor u ulicama u kojima postoji parking sa naplatom.

Član 3.

(Zaključivanje Ugovora)

- (1) Ako ovom uredbom nije drugačije određeno, parkiranjem vozila na javnoj parking površini smatra se da korisnik zaključuje ugovor o korištenju javne parking površine, sa davaocem komunalne usluge, prihvatajući uvjete propisane ovom uredbom.
- (2) Ugovorom iz stava (1) ovog člana isključuje se čuvanje vozila te odgovornost za nestanak, uništenje ili oštećenje vozila, osim ako ovom uredbom nije drugačije propisano.

Član 4.

(Korisnik vozila)

- (1) Korisnikom vozila se smatra vlasnik vozila koji je evidentiran u odgovarajućim evidencijama Ministarstva unutrašnjih poslova Kantona Sarajevo ili druge nadležne institucije prema registarskim oznakama vozila.
- (2) Korisnikom vozila se smatra i vozač koji parkira vozilo na parking mjesto, odnosno druga osoba za koju je ovom uredbom određeno da se smatra korisnikom.
- (3) Korisnikom vozila se smatra i primalac leasinga kojem je vozilo dato na korištenje na temelju pravnog posla leasinga, odnosno zakupac kojem je osoba koja obavlja registrovanu djelatnost rent-a-car usluge vozilo dala na korištenje na temelju ugovora o zakupu.

POGLAVLJE II - NADLEŽNOST, ORGANIZACIJA I NAČIN NAPLATE PARKIRANJA

Odjeljak A - Utvrđivanje jedinstvenog sistema javnog parkiranja

Član 5.

(Nadležnosti)

- (1) Ministarstvo je nadležno za utvrđivanje jedinstvenog sistema javnog parkiranja na području Kantona Sarajevo (u daljem tekstu: Kanton).
- (2) U smislu stava (1) ovog člana Ministarstvo je nadležno za:
 - a) planiranje, organizaciju i unapređenje javnog parkiranja u Kantonu,
 - b) upravljanje i nadzor nad funkcionisanjem javnih parkinga na području Kantona,
 - c) zaključivanje ugovora o pružanju komunalne usluge parkiranja sa davaocem komunalne usluge,
 - d) otvaranje novih parkinga,
 - e) uspostavljanje jedinstvenog sistema naplate parkiranja,

- f) postavljanje info tačaka za prikaz slobodnih parking mjesta,
- g) izdavanje saglasnosti za postavljanje saobraćajne signalizacije na parkinzima.
- (3) Općine su nadležne za uspostavu, kontrolu, naplatu i održavanje parkirališta i parking mjesta unutar naselja.
- (4) Općine će svojim propisom, u skladu sa Zakonom o uređenju saobraćaja na području Kantona Sarajevo ("Službene novine Kantona Sarajevo", br. 30/17, 46/17 i 1/22 - u daljem tekstu: Zakon o uređenju saobraćaja) i ovom uredbom, urediti uslove uspostave parkirališta, definisati ulice, naknadu i ostale specifičnosti organizacije parkiranja iz stava (3) ovog člana.
- (5) Propis iz stava (4) ovog člana općine su dužne donijeti u roku od 12 mjeseci od dana stupanja na snagu ove uredbe.
- (6) Prije usvajanja propisa iz stava (4) ovog člana, općina je dužna pribaviti pozitivno mišljenje Ministarstva.
- (7) Ministarstvo je dužno osigurati svu parkirališnu opremu i izdvajati sredstva za održavanje javnih parking površina koje su u nadležnosti Ministarstva.

Član 6.

(Planiranje, organizacija i unapređenje javnog parkiranja)

- (1) Ministarstvo najkasnije do 31. marta tekuće godine donosi godišnji plan investicija u skladu sa raspoloživim budžetskim i namjenski prikupljenim sredstvima za unapređenje javnih parkinga.
- (2) Izuzetno, Ministarstvo može sufinansirati izgradnju i unapređenje parkinga na zahtjev drugih zainteresovanih subjekata.
- (3) Parkiranje vozila i naplata parkiranja organizira se na:
 - a) javnim parkinzima,
 - b) javnim garažama,
 - c) rezervisanim parking mjestima,
 - d) javnim parkinzima i garažama u privatnom vlasništvu,
 - e) parking površinama u nadležnosti općine.
- (4) Unapređenje javnog parkiranja podrazumijeva tehnološko ulaganje u razvoj sistema naplate, kontrole naplate, obnavljanje saobraćajne signalizacije, te obilježavanje novih javnih parkinga.

Član 7.

(Upravljanje i nadzor nad funkcionisanjem javnih parkinga na području Kantona)

Upravljanje i nadzor nad javnim parkinzima sa naplatom podrazumijeva vođenje evidencije o svim javnim parkinzima u Kantonu i on-line nadziranje naplate i kontrole naplate parkiranja putem posebnih softvera.

Član 8.

(Otvaranje novih parkinga)

- (1) Ministarstvo po službenoj dužnosti donosi rješenje za otvaranje novih parkinga, osim za parkinge iz člana 5. stav (3) ove uredbe.
- (2) Ministarstvo na zahtjev općine izdaje saglasnost za otvaranje novih parkinga, a koji je namijenjen za parkiranje unutar naselja.
- (3) Općina može povjeriti uređenu javnu površinu čiji je vlasnik, trećem licu na upravljanje, a sve u skladu sa članom 20. ove uredbe.

Član 9.

(Uspostavljanje jedinstvenog sistema naplate parkiranja)

- (1) Ministarstvo uspostavlja jedinstven sistem parkiranja utvrđivanjem cijena parkiranja, naplate i kontrole naplate parkiranja.
- (2) Ministarstvo rješenjem utvrđuje lokaciju i jedinstven izgled info tački za prikaz slobodnih parking mjesta.

- (3) Naknada za iznajmljivanje prostora na info tački za prikaz slobodnih parking mjesta će se definisati Odlukom o cijenama korištenja javnih parkinga (u daljem tekstu: Odluka o cijenama) koju donosi Vlada Kantona Sarajevo (u daljem tekstu: Vlada).
- (4) Novčana sredstva iz stava (3) ovog člana su namjenski prihod Ministarstva i koristit će se za modernizaciju i unapređenje cjelokupnog saobraćaja u mirovanju te infrastrukturno uvezivanje u jedinstven sistem parkiranja na području Kantona.

Član 10.

(Saobraćajna signalizacija na parkinzima)

Ministarstvo putem namjenskih sredstava vrši održavanje i obnovu saobraćajne signalizacije na javnim parkinzima kao i postavljanje nove saobraćajne signalizacije prema Pravilniku o saobraćajnim znakovima i signalizaciji na cestama, načinu obilježavanja radova i prepreka na cesti i znakovima koje učesnicima u saobraćaju daje ovlaštena osoba ("Službeni glasnik BiH", broj 16/07 i 61/07), (u daljem tekstu: Pravilnik o saobraćajnim znakovima).

Član 11.

(Parkinzi u zaštićenim područjima)

Ministarstvo na zahtjev Kantonalne javne ustanove za zaštićena prirodna područja izdaje saglasnost za otvaranje novih parkinga u zaštićenim područjima.

Član 12.

(Obaveze davaoca komunalne usluge)

- (1) Naplatu, kontrolu naplate parkiranja i druge prateće aktivnosti vrši davalac komunalne usluge koji ispunjava zakonom propisane uslove za obavljanje komunalne djelatnosti, kojeg odredi Ministarstvo.
- (2) Davalac komunalne usluge može biti:
 - a) javno preduzeće za komunalne djelatnosti,
 - b) privredno društvo.
- (3) Obaveze davaoca komunalne usluge su:
 - a) organiziranje procesa pružanja usluge: naplata, kontrola naplate parkiranja i redovno aktiviranje parkomata iz stanja mirovanja,
 - b) zimsko i ljetno održavanje parking površina,
 - c) redovno čišćenje parkomata i opreme od snijega, leda i prašine,
 - d) po nalogu Ministarstva uklanja nelegalno postavljenu saobraćajnu signalizaciju sa parkirališta u nadležnosti Ministarstva;
 - e) obezbijediti dovoljan broj kontrolora po zonama za neometano funkcionisanje sistema naplate i kontrole naplate parkiranja.
- (4) Davalac komunalne usluge dužan je do 10-tog u mjesecu podnijeti izvještaj Ministarstvu o pruženim komunalnim uslugama iz stava (3) ovog člana za prethodni mjesec.
- (5) Sadržaj izvještaja iz stava (4) ovog člana davalac komunalne usluge će detaljnije usaglasiti sa Ministarstvom.
- (6) Ministarstvo će kontinuirano vršiti kontrolu rada davaoca komunalne usluge na osnovu kojih će cijeniti stepen pružanja komunalne usluge na mjesečnom nivou.
- (7) Ukoliko davalac komunalne usluge ne izvršava obaveze iz stava (3) ovog člana, Ministarstvo će:
 - a) pismeno upozoriti davaoca komunalne usluge o neispunjavanju obaveza definisanih ugovorom;
 - b) u slučaju ponovljenog upozorenja smanjiti iznos naknade prema davaocu komunalne usluge u iznosu od 10% neto prihoda ostvarenih sa parkirališta na mjesečnom nivou;

- c) nakon drugog upozorenja jednostrano raskinuti ugovor sa davaocem komunalne usluge.

Odjeljak B - Parkiranje na javnim parkinzima

Član 13.

(Vrste javnih parkinga)

- (1) Javni parking može biti: stalni, privremeni, ulični, izvanulični i parking površina unutar naselja.
- (2) Stalni javni parking je površina na kojoj se parkiranje naplaćuje tokom cijele kalendarske godine.
- (3) Privremeni javni parking je parking koji se otvara zbog održavanja raznih skupova i manifestacija sportskog, kulturnog, političkog i dr. karaktera okupljanja.
- (4) Ulični javni parking je parking na ulici ili na trotoaru, posebno označen horizontalnom i vertikalnom saobraćajnom signalizacijom u skladu s propisima o sigurnosti saobraćaja i tehničkom dokumentacijom za koji saglasnost izdaje Ministarstvo.
- (5) Izvanulični javni parkinzi su parkinzi koji se nalaze izvan ceste, posebno označeni horizontalnom i vertikalnom saobraćajnom signalizacijom u skladu s propisima o sigurnosti saobraćaja i tehničkom dokumentacijom za koje saglasnost izdaje Ministarstvo.
- (6) Parking površine unutar naselja su parkinzi koji se nalaze unutar naselja, posebno označeni horizontalnom i vertikalnom saobraćajnom signalizacijom u skladu s propisima o sigurnosti saobraćaja i tehničkom dokumentacijom, za koje saglasnost izdaje Ministarstvo, a koji su u nadležnosti općine.
- (7) Parking mjesto na asfaltiranim javnim parkinzima označava se saobraćajnom signalizacijom koja je u skladu sa Zakonom o osnovama sigurnosti saobraćaja na putevima u Bosni i Hercegovini ("Službeni glasnik BiH", broj 6/06, 75/06, 44/07, 84/09, 48/10, 18/13, 8/17, 89/17, 9/18 i 46/23) i Pravilnikom o saobraćajnim znakovima.
- (8) Javnim parkinzima u smislu ove uredbe smatraju se i posebni prostori namijenjeni za parkiranje teretnih vozila i autobusa, čije lokacije određuju općine uz saglasnost Ministarstva, posebno označen horizontalnom i vertikalnom saobraćajnom signalizacijom u skladu s propisima o sigurnosti saobraćaja i tehničkom dokumentacijom.
- (9) Javni parkinzi u smislu ove uredbe smatraju se i posebni prostori namijenjeni za parkiranje autobusa (hoteli, moteli, vrtići i osnovne škole), čije lokacije su određene uz saglasnost Ministarstva.
- (10) Javni parkinzi u smislu ove uredbe ne smatraju se posebni prostori za parkiranje putničkih motornih vozila koji pripadaju određenom objektu (poslovni ili stambeni objekat i dr.) kao i prostori određeni za parkiranje određene vrste vozila (taksi stajališta).

Član 14.

(Obilježavanje javnog parkinga)

Javni parkinzi moraju biti asfaltirani, imati saobraćajnu signalizaciju sa oznakom parking zone, vremena naplate parkiranja i cijene parking karte.

Član 15.

(Parking za osobe sa invaliditetom)

- (1) Na javnim parkinzima sa naplatom na posebno obilježenim mjestima rezervisanim za parkiranje vozila osoba sa invaliditetom, osobe sa invaliditetom koje na vozilu imaju istaknut važeći međunarodni znak pristupačnosti, imaju pravo parkirati bez plaćanja naknade.
- (2) Osobe sa invaliditetom vozilo sa međunarodnim znakom pristupačnosti mogu parkirati na parking mjestu sa

naplatom koja nisu posebno obilježena za osobe sa invaliditetom najduže dva sata, nakon čega su dužni platiti naknadu u skladu sa članom 35. ove Uredbe.

- (3) Broj i raspored obilježenih parking mjesta za osobe sa invaliditetom određuje Ministarstvo za svaki pojedinačni ulični javni parking-u omjeru do 5% od ukupnog broja svih parking mjesta.
- (4) Za obilježavanje parking mjesta za osobe sa invaliditetom na mjestima gdje nije obilježen javni parking uz naplatu, nadležna općina pribavlja saglasnost Ministarstva.
- (5) Organizatori javnih, kulturnih i sportskih manifestacija dužni su obezbijediti parking mjesta osobama sa invaliditetom najbliže mjestu održavanja manifestacije.
- (6) Osobe sa invaliditetom koje posjeduju važeći znak pristupačnosti mogu parkirati na parkinzima koji su pod rampom, na kojim postoje obilježena parking mjesta za osobe sa invaliditetom i ukoliko je na ulazu u parking postavljena saobraćajna signalizacija koja ukazuje na mogućnost parkiranja osoba sa invaliditetom na posebno označenim parking mjestima.

Član 16. (Zabrane)

- (1) Na javnim parkinzima sa napolatom zabranjeno je:
 - a) zauzimanje parking mjesta putem ograđivanja (rampe, ograde i razni predmeti koji fizički ometaju parkiranje),
 - b) neovlašteno parkiranje na rezervisanim parking mjestima,
 - c) neovlašteno parkiranje na označenim parking mjestima za osobe sa invaliditetom bez važećeg znaka pristupačnosti,
 - d) plakatiranje, crtanje i pisanje grafita na parkirališnoj opremi i saobraćajnoj signalizaciji na parkinzima.
- (2) Za učinjeni prekršaj iz stava 1. tač. b) i c) ovog člana, vozilo korisnika parkinga bit će uklonjeno specijalnim vozilom "pauk".

Odjeljak C - Parkiranje u javnim garažama

Član 17. (Javne garaže - garažiranje vozila)

- (1) Parkiranje i garažiranje u javnim garažama organizovano je i naplaćuje se tokom cijele kalendarske godine od strane davaoca komunalne usluge.
- (2) Dodjela garažnog parking mjesta se vrši na osnovu ugovora na određeni i neodređeni vremenski period prema cijenama utvrđenim Odlukom o cijenama.
- (3) Način naplate garažiranja i parkiranja, cijene parkirnih i garažnih parking karata i način njihovog korištenja u javnim garažama, na prijedlog davaoca komunalne usluge usvaja Vlada za svaku javnu garažu pojedinačno, odnosno vlasnik javnih garaža u privatnom vlasništvu.
- (4) Uslovi korištenja javne garaže moraju biti vidljivo označeni na svakom ulazu i izlazu iz javne garaže.
- (5) Ministarstvo može ulaganjem namjenskih sredstava kao i ulaganjem u saradnji sa jedinicama lokalne samouprave graditi nove garaže, a što se reguliše posebnim ugovorom.

Odjeljak D - Parkiranje na rezervisanim parking mjestima

Član 18. (Rezervisana parking mjesta)

- (1) Ministarstvo po zahtjevu korisnika, rješenjem odobrava rezervaciju parking mjesta najmanje na mjesec dana, a najduže do kraja kalendarske godine.
- (2) Rješenjem iz stava (1) ovog člana utvrđuju se uslovi korištenja rezervisanog parking mjesta.

- (3) Izuzetno, Ministarstvo će donijeti novo rješenje kojim će se korisniku osigurati drugo rezervisano parking mjesto u neposrednoj blizini, ako se prije isteka roka na koje je rješenje doneseno izmijene saobraćajne okolnosti.
- (4) Ministarstvo rješenjem može odobriti rezervaciju parking mjesta za kraći period, od sedam do mjesec dana, u slučaju održavanja manifestacija i sl.
- (5) Davalac komunalne usluge može odobriti uz propisanu naknadu, rezervaciju parking mjesta u slučaju održavanja manifestacije i sl., do sedam dana.
- (6) Broj odobrenih rezervisanih parking mjesta u jednoj parking zoni može biti najviše 5% od ukupnog broja parking mjesta u toj parking zoni.
- (7) Rezervisano parking mjesto obilježava se odgovarajućom saobraćajnom signalizacijom i opremom od strane Ministarstva za parking mjesta za koja se plaća naknada, nakon uplate korisnika na žiro račun Ministarstva.
- (8) Hoteli, moteli i drugi slični ugostiteljski objekti mogu izvršiti rezervaciju parking mjesta za parkiranje autobusa ukoliko postoje prostome mogućnosti koje ne remete redovno odvijanje saobraćaja.
- (9) Naknada za korištenje rezervisanog parking mjesta iz st. (1) i (4) ovog člana uplaćuje se Ministarstvu, a visina naknade se utvrđuje Odlukom o cijenama.

Član 19.

(Dodjeljivanje rezervisanih parking mjesta)

- (1) Ministarstvo rješenjem odobrava rezervaciju do pet parking mjesta bez naknade državnim institucijama isključivo za službena vozila u ulici u kojoj je sjedište državne institucije.
- (2) Izuzetno od stava (1) ovog člana, Ministarstvo može uz saglasnost Vlade, rješenjem odobriti rezervaciju dodatnih parking mjesta, bez novčane naknade isključivo za službena vozila.
- (3) Ministarstvo rješenjem odobrava rezervaciju jednog parking mjesta bez naknade vjerskim institucijama isključivo za službena vozila.
- (4) Saglasnost Vlade iz stava (2) ovog člana donosi se na početku mandata imenovane Vlade i primjenjuje se do kraja mandata.
- (5) Ministarstvo rješenjem može odobriti rezervaciju parking mjesta udruženjima i nevladinim organizacijama uz propisanu novčanu naknadu.
- (6) Rezervisano parking mjesto može se rješenjem odobriti pravnim i fizičkim osobama uz propisanu novčanu naknadu.
- (7) Ministarstvo rješenjem može odobriti rezervaciju parking mjesta za dostavu robe i za električna vozila uz propisanu naknadu.
- (8) Ambasadama i konzulatima može se rješenjem bez plaćanja naknade odobriti jedno rezervisano parking mjesto ili više parking mjesta na bazi reciprociteta na osnovu informacije Ministarstva vanjskih poslova Bosne i Hercegovine, dok se ostala parking mjesta mogu rezervisati uz propisanu novčanu naknadu.
- (9) Rješenja iz st. (1), (2), (3), (5), (6), (7) i (8) ovog člana Ministarstvo donosi za određeni vremenski period, a najviše za godinu dana, od dana izdavanja rješenja.
- (10) Rezervisano parking mjesto obilježava se odgovarajućom saobraćajnom signalizacijom i opremom propisanom rješenjem Ministarstva, o trošku Ministarstva kada se za parking mjesta uplaćuje naknada, a o trošku zakupca kada se za parking mjesta ne plaća naknada.
- (11) Ustupanje na korištenje određenih parking mjesta bez novčane naknade duže od sedam dana za potrebe

održavanja kulturnih, sportskih, političkih i drugih manifestacija odobrava Ministarstvo uz saglasnost Vlade.

- (12) Ministarstvo može ustupiti određeni broj parking mjesta uz novčanu naknadu prema cijenama predviđenim Odlukom o cijenama.

Odjeljak E - Parkiranje na javnim parkirizima u privatnom vlasništvu

Član 20.

(Privatni parkirizi i garaže)

- (1) Privatni parking je uređen, asfaltirana i propisno označena izdvojena površina na parceli ili u objektu u vlasništvu pravnog ili fizičkog lica, za koji saglasnost izdaje Ministarstvo.
- (2) Parking iz stava (1) ovog člana mora biti označen odgovarajućom vertikalnom i horizontalnom saobraćajnom signalizacijom, u skladu sa Zakonom o uređenju saobraćaja i Pravilnikom o saobraćajnim znakovima.
- (3) Javna garaža u privatnom vlasništvu je objekat u kojem se na organiziran način parkiraju vozila, uz mogućnost plaćanja naknade za parkiranje.
- (4) Parking i garaža iz st. (1) i (2) ovog člana, mogu se otvoriti u okviru objekta ili na zemljištu u privatnom vlasništvu za koje Ministarstvo izdaje saobraćajnu saglasnost u skladu sa odredbama Zakona o uređenju saobraćaja, Zakona o cestama Kantona Sarajevo ("Službene novine Kantona Sarajevo", broj 1/22), Zakona o prostornom uređenju Kantona Sarajevo ("Službene novine Kantona Sarajevo", broj 24/17 i 1/18) i za koje upravitelj cesta izdaje saglasnost za priključak na javnu cestu.
- (5) Vlasnici privatnih parkinga i garaža mogu iznajmiti prostor na info tačkama za prikaz slobodnih parking mjesta koji se postavljaju na svim frekventnim raskrsnicama u Kantonu, a služit će za prikazivanje trenutno slobodnih parking mjesta.
- (6) Prava i obaveze lica iz stava (5) ovog člana će se definisati posebnim ugovorom.

POGLAVLJE III - PARKING ZONE

Član 21.

(Zone javnih parkinga)

- (1) Javni parkirizi u nadležnosti Ministarstva svrstavaju se u tri parking zone.
- (2) Zone su obilježene bojama:
 - a) "I" zona je crvene boje,
 - b) "II" zona je žute boje,
 - c) "III" zona je zelene boje,
- (3) Zone parkinga koje su namijenjene za parkiranje unutar naselja u nadležnosti općina obilježavaju se plavom bojom, a definisati će se propisom iz člana 5. stav (4) ove uredbe.
- (4) Vlada na prijedlog Ministarstva donosi Odluku o zonama javnih parkinga.

Član 22.

(Radno vrijeme javnih parkinga)

- (1) Radno vrijeme javnih parkinga u nadležnosti Ministarstva je od 00-24 sata.
- (2) Naplata parkiranja na javnim parkirizima se vrši po zonama:
 - a) u "I" zoni u vremenu od 07-22 sata, ponedjeljak-subota,
 - b) u "II" zoni u vremenu od 07-20 sati, ponedjeljak-subota,

- c) u "III" zoni vremensko ograničenje parkiranja je max. 3h u vremenu od 07-22 sata, ponedjeljak-subota.

- (3) Na javnim parkirizima u "I", "II" i "III" zoni ne vrši se naplata nedjeljom, državnim praznicima i prvi dan vjerskih praznika.
- (4) Naplata parkiranja na parkirizima sa automatskom naplatom (rampe) i garažama vrši se u periodu ponedjeljak-nedjelja od 00-24 sata.

POGLAVLJE IV - VRSTE PARKING KARATA I NAČIN NJIHOVOG KORIŠTENJA

Član 23.

(Parking karte)

- (1) Za korištenje javnih parkinga i javnih garaža korisnik mora imati važeću parking kartu.
- (2) Parking karta iz stava (1) ovog člana je karta koja je plaćena za:
 - a) parking zonu ili javnu garažu u kojoj se koristi usluga parkiranja,
 - b) vrijeme korištenja parkiranja, odnosno za razdoblje na koje je sklopljen ugovor o korištenju javne parking površine.

Član 24.

(Forma parking karte)

- (1) Parking karta se izdaje na papiru, u obliku naljepnice ili u drugoj formi.
- (2) Parking karta se može izdati i kao potvrda u elektronskoj formi.
- (3) Izrada i štampanje mjesečnih, polugodišnjih i godišnjih parking karata je u nadležnosti Ministarstva, ako ugovorom sa davaocem komunalne usluge nije drugačije riješeno.

Član 25.

(Vrste parking karata, prodaja i distribucija)

- (1) Parking karta za parkiranje na javnom parkingu sa naplatom izdaje se kao satna, višesatna, dnevna, sedmična, mjesečna, polugodišnja i godišnja.
- (2) Dnevna parking karta za parkiranje na javnom parkingu sa naplatom izdaje se kao karta za određenu parking zonu i vrijedi u periodu naplate parkinga iz člana 22. stav (2) ove uredbe, a za tekući dan.

Član 26.

(Sadržaj parking karte)

- (1) Satna, višesatna, dnevna i sedmična parking karta sadrži: evidencijski broj parkomata, zonu, naziv ulice, datum i vrijeme uplate, vrijeme važenja i druge tehničke elemente po potrebi u svrhu unapređenja sistema.
- (2) Povlaštena parking karta sadrži: grb Kantona Sarajevo, naziv Ministarstva, logo i naziv davaoca komunalne usluge, serijski broj, boju prema zoni parkiranja, godinu i mjesec na koji se odnosi, hologramsku zaštitu, suhi žig Ministarstva i druge elemente po potrebi u svrhu unapređenja sistema.
- (3) Polugodišnja i godišnja parking karta sadrži: grb Kantona Sarajevo, naziv Ministarstva, serijski broj, određenu boju, vremensko razdoblje za koje važi, hologramsku zaštitu i druge elemente po potrebi u svrhu unapređenja sistema.

Član 27.

(Način isticanja parking karte)

- (1) Korisnik parkinga dužan je parking kartu kupljenu na parkomatu istaknuti na vidno mjesto sa unutrašnje strane prednjeg vjetrobranskog stakla.
- (2) Korisnik javnog parkinga dužan je parking kartu kupiti u roku od 10 minuta od parkiranja vozila i propisno

istaknuti na vozilo tako da kontrolor davaoca komunalne usluge može provjeriti njenu valjanost.

- (3) Korisnik javnog parkinga dužan je izvršiti uplatu na jedan od ponuđenih načina plaćanja usluge parkiranja (parkomat, SMS, mobilna aplikacija, web aplikacija, na kiosku) u roku od 10 minuta od parkiranja vozila, tako da kontrolor davaoca komunalne usluge može provjeriti njenu valjanost.
- (4) Ako korisnik javnog parkinga ne izvrši kupovinu parking karte iz stava (2) ovog člana ili je istakne tako da se ne može provjeriti njena valjanost, sankcionirat će se po odredbama ove uredbe.
- (5) Parking karta je isprava kojom korisnik parkinga dokazuje da je platio odgovarajuću naknadu prema zoni parkiranja, te da se na parkingu zadržava u okviru dopuštenog vremena.
- (6) Korisnik mjesečne, polugodišnje i godišnje parking karte obavezan je istu zalijepiti na vidno mjesto prednjeg vjetrobranskog stakla.
- (7) Korisnici mjesečnih, polugodišnjih i godišnjih karata iste će moći kupiti u elektronskoj formi, kad se za to steknu uslovi.

Član 28.

(Povreda uslova o korištenju parkinga)

- (1) Korisnik parkinga čini povredu uslova o korištenju parkinga ukoliko:
 - a) ne kupi ili ne istakne parking kartu na vidljivo mjesto sa unutrašnje strane vjetrobranskog stakla vozila nakon parkiranja ili ne izvrši uplatu na jedan od ponuđenih načina plaćanja usluge parkiranja u roku od 10 minuta u skladu sa članom 27. st. (2) i (3) ove uredbe,
 - b) koristi parking kartu koja ne odgovara zoni parkiranja,
 - c) korisnik parkiranja koristi povlaštenu parking kartu koja nije u skladu sa ovom uredbom,
 - d) svojim položajem parkiranja zauzima više od jednog parking mjesta.
- (2) Ako korisnik parkiranja učini bilo koju navedenu radnju iz stava (1) ovog člana, sankcioniše se izdavanjem naloga za postavljanje naprave za blokiranje točkova od strane davaoca komunalne usluge.
- (3) Ukoliko korisnik ne izvrši uplatu naloga u roku od dva sata od trenutka izdavanja naloga, vozilo će se ukloniti specijalnim vozilom "pauk" na trošak korisnika vozila.

Član 29.

(Kupovina parking karte)

- (1) Korisnik javnog parkinga može kupiti satnu, višesatnu, dnevnu i sedmičnu parking kartu na slijedeći način:
 - a) na parkomatu uz odgovarajuće kovanice u domaćoj valuti,
 - b) mobilnim telefonom, (sms porukom) ukucavanjem registarske oznake vozila i slanjem poruke na namjenski broj označen na svakom parkomatu,
 - c) putem mobilne ili web aplikacije,
 - d) bankovnom karticom na uređajima koji su predviđeni za ovakav vid naplate,
 - e) na kioscima, a koji će biti posebno označeni za mogućnost kupovine.
- (2) Naplata parking karte iz stava (1) ovog člana na parkomatu i kiosku podrazumijeva istovremeno plaćanje i preuzimanje parking karte.
- (3) Naplata parking karte mobilnim telefonom putem sms-a podrazumijeva elektronsku kupovinu parking karte o čemu korisnik parkiranja prima povratnu sms poruku o

plaćenju parking karte mobilnim telefonom kao i obavijest o isteku važenja parking karte.

- (4) Naplata putem mobilne i web aplikacije podrazumijeva elektronsku kupovinu parking karte o čemu korisnik parkiranja prima obavijest o plaćenju parking karte putem navedene aplikacije.
- (5) Naplata bankovnom karticom podrazumijeva plaćanje parkinga putem korištenja lične bankovne kartice i preuzimanje parking karte na parkomatu.

Član 30.

(Garažna parking karta)

- (1) Garažna parking karta izdaje se za parkiranje u određenoj javnoj garaži i to kao: satna, višesatna, dnevna, sedmična, mjesečna, polugodišnja ili godišnja parking karta.
- (2) Izgled i sadržaj garažnih parking karata za garaže koje su u privatnom vlasništvu određuje vlasnik garaže.

POGLAVLJE V - POVLAŠTENA PARKING KARTA

Član 31.

(Povlaštena parking karta za korištenje parkinga u nadležnosti Ministarstva)

- (1) Pravo na povlaštenu parking kartu za korištenje parkinga pod naplatom koji su u nadležnosti Ministarstva imaju:
 - a) fizička osoba (stanar) koja ima prebivalište, boravište ili dokaz o vlasništvu stana u ulici u kojoj postoji parking sa naplatom,
 - b) pravna osoba koja ima sjedište ili koristi poslovni prostor u ulici u kojoj postoji parking sa naplatom,
 - c) fizička osoba koja obavlja samostalnu privrednu djelatnost koja ima sjedište ili koristi poslovni prostor u ulici u kojoj postoji parking sa naplatom.
- (2) Povlaštena parking karta vrijedi unutar parking zone u kojoj fizička osoba iz stava (1) tačka a) ovog člana ima prebivalište ili boravište ili dokaz o vlasništvu stana u ulici u kojoj postoji parking karta sa naplatom, pravna osoba i fizička osoba koja obavlja samostalnu privrednu djelatnost iz stava (1) tač. b) i c) ovog člana koji imaju sjedište ili koriste poslovni prostor u ulici u kojoj postoji parking sa naplatom.
- (3) Odredbe ovog člana odnose se samo na ulične javne parkinge sa naplatom u nadležnosti Ministarstva.
- (4) Ministarstvo će posebnim rješenjima za parkinge sa rampom definisati uslove za povlašteno korištenje parking mjesta.
- (5) Vremensko ograničenje zadržavanja na jednom parking mjestu u zoni "III" od max. 3h ne važi za korisnike - stanare koji posjeduju povlaštenu parking kartu.

Član 32.

(Ostvarenje prava na povlaštenu parking kartu)

- (1) Osobe iz člana 31. stav (1) ove uredbe, pravo na povlaštenu parking kartu ostvaruju kod davaoca komunalne usluge.
- (2) Fizička osoba iz člana 31. st. (1) tač. a) i st. (2) ove uredbe daje na uvid: cipsovu prijavu prebivališta ili dokaz boravišta, ili dokaz o vlasništvu stana ne starije od šest mjeseci i fotokopiju potvrde o registraciji vozila ili ugovor o leasingu.
- (3) Pravna osoba iz člana 31. st. (1) tačka b) i st. (2) ove uredbe daje na uvid: fotokopiju prve stranice registracije preduzeća i fotokopiju potvrde o registraciji vozila ili ugovor o leasingu.
- (4) Fizička osoba iz člana 31. st. (1) tačka c) i st. (2) ove uredbe daje na uvid: fotokopiju rješenja o osnivanju samostalne privredne djelatnosti i fotokopiju potvrde o registraciji vozila ili ugovor o leasingu.

Član 33.

(Godišnja i polugodišnja parking karta)

- (1) Pravo na kupovinu godišnje i polugodišnje parking karte imaju sve fizičke i pravne osobe u skladu sa ovom uredbom i Odlukom o cijenama, kod davaoca komunalne usluge.
- (2) Godišnja i polugodišnja parking karta važi na svim uličnim parkinzima kojim upravlja Ministarstvo, osim na parkiralištima sa rampom.

Član 34.

(Zamjena korištenja povlaštene parking karte)

- (1) Ukoliko korisnik povlaštene parking karte za vrijeme njenog važenja promijeni vozilo za koje je karta izdata ili u slučaju njenog oštećenja, davalac komunalne usluge će na zahtjev korisnika, izdati novu povlaštenu parking kartu sa rokom važenja prethodno izdate povlaštene parking karte.
- (2) Prilikom podnošenja zahtjeva iz stava (1) ovog člana podnosilac zahtjeva prilaže ugovor o kupoprodaji vozila ili dokaz o nastanku oštećenja kojim je uništena prethodno izdata parking karta.

POGLAVLJE VI - CIJENA PARKIRANJA, UPLATA I KORIŠTENJE SREDSTAVA PRIKUPLJENIH OD PARKIRANJA VOZILA

Član 35.

(Cijena parkiranja)

- (1) Vlada na prijedlog Ministarstva određuje cijenu parkiranja za:
 - a) pojedine parking zone,
 - b) javne garaže,
 - c) rezervisano parking mjesto,
 - d) povlaštene parking karte,
 - e) polugodišnje i godišnje parking karte,
 - f) novčani iznos naloga za postavljanje naprave za blokiranje točkova i naknadu za odvoz vozilom "pauk",
 - g) usluge prikaza na info tačkama za pravne i fizičke osobe.
- (2) Odredbe stava (1) ovog člana ne odnose se na javne parkinge i garaže koji su u privatnom vlasništvu.
- (3) Cijena pružanja usluga naplate i kontrole na javnim parkinzima kao i održavanje javnih parkinga pod rampama od strane davaoca komunalne usluge, utvrdit će se u skladu sa Zakonom o komunalnim djelatnostima ("Službene novine Kantona Sarajevo", broj 14/16, 43/16, 10/17-Ispravka, 19/17, 20/18 i 22/19).
- (4) Cijena parkiranja na javnim parkinzima sa naplatom sastoji se iz:
 - a) troškova pružanja komunalne usluge kontrole i naplate parkiranja od strane davaoca komunalne usluge,
 - b) troškova održavanja javnih parkinga pod rampom od strane davaoca komunalne usluge,
 - c) troškova amortizacije stalnih sredstava postavljenih na javnim parking prostorima i infrastrukturnog komunalnog sistema, odnosno dobara u općoj upotrebi koji su u vlasništvu Ministarstva,
 - d) naknade za unapređenje i investiciono održavanje javnih parkinga od strane Ministarstva.
- (5) Pod održavanjem javnih parkinga smatra se čišćenje površine za parkiranje i zimsko održavanje od snijega i leda parkinga pod rampom, čišćenje parkomata od snijega i leda u zimskom periodu, a od prašine i drugih nečistoća u ljetnom periodu.

- (6) Raspodjela naknada prikupljenih sa parkirališta u nadležnosti Ministarstva, a koja se nalaze na teritoriji općina definirati će se sporazumom sa svakom općinom posebno.

- (7) Rok za potpisivanje sporazuma iz stava (6) ovog člana je šest mjeseci od dana stupanja na snagu ove uredbе.

POGLAVLJE VII - MODALITETI FINANSIRANJA IZGRADNJE NOVIH PARKINGA I GARAŽA

Član 36.

(Modaliteti finansiranja izgradnje novih parkinga i garaža)

Finansiranje izgradnje novih parkinga i garaža moguće je putem:

- a) privatnog ulaganja,
- b) javno-privatnog partnerstva,
- c) općine sa područja Kantona Sarajevo,
- d) zajedničkog ulaganja zainteresiranih strana (Ministarstvo, grad i općina),
- e) namjenskih sredstava Ministarstva.

POGLAVLJE VIII - KONTROLA PARKIRANJA NA JAVNIM PARKINZIMA

Član 37.

(Ugovor sa davaocem komunalne usluge)

- (1) Ministarstvo posebnim ugovorom definiše odnose sa davaocem komunalne usluge.
- (2) Ugovor iz stava (1) ovog člana, između ostalog, definiše procentualni iznos ukupnih prihoda koji pripada davaocu komunalne usluge za njegovo pružanje usluga kontrole i naplate parkiranja na javnim parkinzima i obračun poreza na dodatnu vrijednost (PDV).
- (3) Ministarstvo će najmanje jednom godišnje, kao i u situaciji promjene značajnijih parametara u procesu pružanja usluga naplate i kontrole parkiranja na javnim parkinzima, vršiti analizu i ocjenjivati opravdanost utvrđenog procenta ukupnih prihoda koji pripadaju davaocu komunalne usluge.

Član 38.

(Kontrola parkiranja na javnim parkinzima)

- (1) Kontrolu nad svim parkiranim vozilima na javnim parkinzima sa naplatom obavlja kontrolor koji je zaposlenik kod davaoca komunalne usluge.
- (2) Kontrolori imaju službenu legitimaciju, nose službena odijela i koriste se odgovarajućom tehničkom opremom koja omogućuje evidentiranje: mjesta, vremena parkiranja i registarskih oznaka vozila.
- (3) Kontrolor naplate parkiranja za vozilo zatečeno bez valjane parking karte na obilježenom parking mjestu izdaje nalog za postavljanje naprave za blokiranje točkova, ukoliko vozač nije u periodu od 10 minuta od trenutka parkiranja vozila kupio i istakao valjanu parking kartu.
- (4) Izdavanje naloga i postavljanje naprave za blokiranje točkova vrše zaposlenici davaoca komunalne usluge.
- (5) Davalac komunalne usluge dužan je propisati izgled legitimacije i službenih odijela kontrolora parkiranja internim aktom na koji Ministarstvo daje saglasnost.
- (6) Ministarstvo će vršiti nadzor nad radom kontrolora davaoca komunalne usluge.
- (7) Ukoliko se utvrdi da kontrolor ne obavlja kontrolu naplate parkiranja u skladu sa ovom uredbom, Ministarstvo će pismenim putem obavijestiti davaoca komunalne usluge koji je dužan pokrenuti dalji postupak sankcionisanja kontrolora.

Član 39.

(Nadzor i kontrola nad provođenjem ove uredbe)

- (1) Upravni nadzor i kontrolu nad provođenjem odredbi ove uredbe i rada davaoca komunalne usluge parkiranja vrši Ministarstvo.
- (2) Poslove inspeksijskog nadzora nad primjenom ove uredbe obavljat će nadležna gradska inspekcija, općinska inspekcija za ceste i komunalna inspekcija nadležnih općina, svako iz svoje nadležnosti.

POGLAVLJE IX - NAKNADA ZA POVREDU USLOVA O KORISTENJU PARKINGA

Član 40.

(Visina naknade)

- (1) Korisnik parkinga sankcionirše se nalogom za postavljanje naprave za blokiranje točkova u iznosu od 30 KM ukoliko ne postupi u skladu sa odredbama člana 28. st. (1) i (2) ove uredbe.
- (2) Ukoliko korisnik ne izvrši uplatu naloga iz stava (1) ovog člana i učini povredu člana 16. stav (1) tač. b) i c) ove uredbe, korisnik parking mjesta sankcionirat će se odnošenjem vozila specijalnim vozilom "pauk", u iznosu od 100 KM.

POGLAVLJE X - KAZNENE ODREDBE

Član 41.

(Visina kazne)

Za učinjeni prekršaj iz člana 16. stav (1) tač. a) i d) ove uredbe kaznit će se fizička ili pravna osoba kaznom u iznosu od 50,00 KM.

POGLAVLJE XI - PRIJELAZNE I ZAVRŠNE ODREDBE

Član 42.

(Započeti postupci)

Postupci koji su započeti prije donošenja ove uredbe okončat će se prema odredbama uredbe na osnovu kojih su započeti.

Član 43.

(Prelazna rješenja)

U periodu dok tehnički uslovi ne budu omogućili automatsku naplatu uz stalnu softversku kontrolu naplate (parkinzi sa rampom) davaoc komunalne usluge dužan je vršiti dostavljanje izvještaja o ostvarenim ukupnim prihodima po postojećem načinu rada, a prikupljena novčana sredstva uplaćivati na otvoreni namjenski račun Ministarstva.

Član 44.

(Rješavanje po žalbi)

Protiv upravnih akata Ministarstva može se izjaviti žalba Vladi u roku od 15 dana od dana prijema akta.

Član 45.

(Sklapanje ugovora)

Ugovor sa davaocem komunalne usluge iz člana 37. ove uredbe Ministarstvo zaključuje u roku od 30 dana od dana stupanja na snagu ove uredbe.

Član 46.

(Gramatička terminologija)

Gramatička terminologija korištenja muškog ili ženskog spola podrazumijeva oba spola.

Član 47.

(Prestanak važenja ranijeg propisa)

Danom stupanja na snagu ove uredbe prestaje da važi Uredba o organizaciji parkiranja, javnim parking površinama, parking zonama, izgradnji novih parkinga i organizaciji jedinstvenog sistema naplate parkiranja ("Službene novine Kantona Sarajevo", broj 52/18).

Član 48.

(Stupanje na snagu)

Ova uredba stupa na snagu osmog dana od dana objavljivanja u "Službenim novinama Kantona Sarajevo".

Broj 02-04-33995-38/23

27. jula 2023. godine

Sarajevo

Premijer

Nihad Uk, s. r.

Na osnovu člana 26. i 28. stav (2) Zakona o Vladi Kantona Sarajevo ("Službene novine Kantona Sarajevo", broj 36/14 - Novi prečišćeni tekst i 37/14 - Ispravka), Vlada Kantona Sarajevo, na 19. sjednici održanoj 27.07.2023. godine, donijela je

ODLUKU**O DAVANJU SAGLASNOSTI NA TEKST SPORAZUMA O SUFINANSIRANJU NEPREDVIĐENIH RADOVA NA REKONSTRUKCIJI VRTIĆA "CICIBAN" ZA POTREBE UDRUŽENJA PORODICA DJECE I OSOBA S POTEŠKOĆAMA U RAZVOJU "DAJTE NAM ŠANSU"**

I

Daje se saglasnost na tekst Sporazuma o sufinansiranju nepredviđenih radova na rekonstrukciji vrtića "Ciciban" za potrebe Udruženja porodica djece i osoba s poteškoćama u razvoju "Dajte nam šansu".

II

Ovlašćuje se Ministrica za rad, socijalnu politiku, raseljena lica i izbjeglice Kantona Sarajevo da potpiše Sporazum iz tačke I ove odluke.

III

Za realizaciju ove Odluke zadužuje se Ministarstvo za rad, socijalnu politiku, raseljena lica i izbjeglice Kantona Sarajevo, Ministarstvo finansija Kantona Sarajevo i Udruženje porodica djece i osoba s poteškoćama u razvoju "Dajte nam šansu", svako u okviru svoje nadležnosti.

IV

Ova odluka stupa na snagu danom donošenja, a objavit će se u "Službenim novinama Kantona Sarajevo".

Broj 02-04-33995-5/23

27. jula 2023. godine

Sarajevo

Premijer

Nihad Uk, s. r.

Na osnovu člana 26. i 28. stav (2) Zakona o Vladi Kantona Sarajevo ("Službene novine Kantona Sarajevo", broj 36/14 - Novi prečišćeni tekst i 37/14 - Ispravka) i člana 25. Zakona o cestama Federacije Bosne i Hercegovine ("Službene novine Federacije BiH", broj 12/10, 16/10 i 66/13), Vlada Kantona Sarajevo, na 19. sjednici održanoj 27.07.2023. godine, donijela je

ODLUKU**O DAVANJU SAGLASNOSTI NA IZMJENE I DOPUNE PROGRAMA ODRŽAVANJA, REKONSTRUKCIJE I IZGRADNJE SAOBRAĆAJNICA NA PODRUČJU KANTONA SARAJEVO ZA 2023. GODINU**

I

Daje se saglasnost na izmjene i dopune Programa održavanja, rekonstrukcije i izgradnje saobraćajnica na području Kantona Sarajevo za 2023. godinu.

II

Za realizaciju ove odluke zadužuje se Ministarstvo saobraćaja Kantona Sarajevo - Direkcija za puteve.